



ABAI: Adamzattyń bárin súi baýyrym dep.

Аймақтық қоғамдық-саяси газет • Газет 1932 жылдың 1 мамырынан бастап шығады

# BALQASH ÓNIRI

balqash\_oniri\_gazeti

balkhashoniry@mail.ru

№35 (13501), 22 МАМЫР, ЖҰМА, 2026 ЖЫЛ

Нұрдос МАРАТУҒЫ, «BALQASH ÓNIRI»

√27-29 МАМЫР – ҚҰРБАН АЙТ

## Мейірім мен ізгіліктің мерекесі



ҚАЗАҚСТАН МҰСЫЛМАНДАРЫ ДІНИ БАСҚАРМАСЫ КҮНТІЗ-БЕСІНЕ СӘЙКЕС, ОСЫ ЖЫЛЫ ҚҰРБАН АЙТ МЕРЕКЕСІ 27-29 МАМЫР АРАЛЫҒЫНДА АТАЛЫП ӨТЕДІ. ҚАСИЕТТІ МЕЙРАМНЫҢ АЛҒАШҚЫ КҮНІ – 27 МАМЫР – РЕСМИ ДЕМАЛЫС КҮНІ БОЛЫП БЕЛГІЛЕНГЕН. БИЫЛ БҰЛ КҮН СӘРСЕНБІГЕ СӘЙКЕС КЕЛІП, ҚАЗАҚСТАНДЫҚТАРҒА ЖҰМЫС АПТАСЫНЫҢ ОРТАСЫНДА ҚОСЫМША ТЫНЫҒУ МҮМКІНДІГІН СҢЙЛАМАҚ.

ҚМДБ таратқан мәлімет бойынша, Хижи күнтізбесіндегі айлардың басталуы халықаралық астрономиялық зерттеу орталықтарының деректері негізінде есептеледі. Сонымен

қатар, пәтуа мамандары діни мерекелердің нақты күні жана айдың көрінуіне байланысты бір күн ерте немесе кеш жариялануы мүмкін екенін ескертеді.

– Құрбан айт – мұсылман жұртшылығы үшін ең ұлық мерекелердің бірі. Араб тілінен аударғанда «Құрбан айт» сөзі «құрбан шалу мерекесі» деген мағынаны білдіреді. Бұл күн – қасиетті Меккеге жасалатын қажылық сапарының аяқталуымен сабақтап үлкен мейрам. Қажылық – ислам дініндегі бес парыздың бірі. Ол иман келтіру, намаз оқу, ораза ұстау және зекет беруден кейінгі маңызды құлшылық саналады. Мерекенің басты мәні – адамды ізгілікке, қайырымдылыққа, мейірім мен имандылыққа тәрбиелеу, – дейді Балқаш қаласының бас имамы Нұрболат Қалдарбеков.

Сондай-ақ, бас имам мешіт қызметкерлері мен жауапты мамандарға құрбан шалу рәсімін жоғары деңгейде ұйымдастыруды тапсырғанын жеткізді. Әсіресе, қасапшылардың жеткілікті болуын қамтамасыз етіп, санитарлық талаптарды қатаң сақтау қажеттігін атап өтті.

Сонымен қатар, мереке аясында балаларға айттық ретінде тәттілер мен сый-сияпаттар таратылып, олардың жүздеріне қуаныш сыйлау жоспарлануда. Қасиетті күндері мешіт маңын балалардың шат күлкісі кернеп, айттың шынайы мерекелік көңіл-күйі сезілмек. Әлеуметтік жағдайы төмен және көпбалалы отбасыларға азық-түлік себеттері үлестіріліп, мұқтаж жандарға қайырымдылық көмектері көрсетіледі.

### Қадірлі балқаштықтар!

Барша мұсылман қауымы үшін ең ұлық Құрбан айт мерекесі құтты болсын!

Құрбан айт мерекесі – қазақ халқының салт-дәстүрімен біте қайнасқан мейрамдардың бірі. Сондықтан, Құрбан айт мерекесі мемлекетімізде үлкен құрметке ие әрі ұлттың ынтымағын арттыруға үлес қосып келеді. Бұл мерекенің басты мәні – мейірімділікті, игілікті, бірлікті, ізеттілікті, қайырымдылықты, достық пен шаттықты, сыйластықты арттыру, жақсылық жасау, сыйлық сыйлау, мұқтаждарға көмектесу.

Осы мерекеде ізгі амалдар жасап, құрбандық шалып, тұрмыс жағдайы төмен отбасыларға жәрдемдесу, науқас жандардың көңілін сұрау сауапты іс екендігін баршамыз білеміз. Әрбір адам өзінің жомарттығымен, жанашырлығымен көмекке мұқтаж жандарға қамқорлық көрсету арқылы Алланың алдында шексіз сауаптарға қол жеткізе алады.

Әлемдегі дамыған елдер қатарына енуі мақсат тұтқан мемлекетіміздің негізгі ұстанған бағыты – бейбітшілік, келісім және тұрақтылық. Мемлекетіміздің жемісті саясатының нәтижесінде Қазақстан экономикасы тұрақты елге айналып, халқымыздың әл-ауқаты артып келеді.

### Құрметті жерлестер!

Елді бірлікке шақыратын Құрбан айт мерекесі құтты болсын! Баршаңызға зор денсаулық, отбасыларыңызға құт-береке тілейміз. Қазақстан азаматтарының бірлігі мен берекесі артып, Тәуелсіздігіміз тұғырлы, егемен еліміздің болашағы баянды болсын!

Сапар САТАЕВ,  
Балқаш қаласының әкімі.  
Ахат МҰСЛИМОВ,  
қалалық мәслихат төрағасы.

## BALQASH ÓNIRI

balkhashoniry@mail.ru

### 2026 ЖЫЛҒЫ ІІ ЖАРТЫЖЫЛДЫҚҚА ЖАЗЫЛЫҢЫЗ

Жеке тұлғалар үшін - 2500 тт.  
Заңды тұлғалар үшін - 3000 тт.  
Зейнеткерлер үшін - 2000 тт.

Ескерту: Kaspi GOLD немесе Халықбанкiнiң қосымшасы арқылы жазылған абоненттiң аты-жөнi мен мекенжайы көрсетiлiп, төлемнiң скрин нұсқасын жиберу керек.

Halyk QR



Байланыс телефоны: 6-04-89, 4-25-64, 87024031303  
(Kaspi GOLD), мекенжайымыз: Ағыбай батыр көшесі, №9 үй.